



PROGRAMA MUNICIPIOS SAUDABLES E SOSTIBLES 2000-2020: "20 ANOS COMPROMETIDOS CON GALICIA E COA SAÚDE PLANETARIA"

"Desde Caldas de Reis, lugar estratéxico e destino natural, termal e turístico no Camiño Portugués, mobilizaremos ao mundo na loita contra o cambio climático e a favor da saúde planetaria e do turismo sostible no Camiño de Santiago no marco do Xacobeo 2021"

IV XORNADAS AMBIENTAIS E DE TURISMO SOSTIBLE NO CAMIÑO PORTUGUÉS

LXIII CURSO DE SAÚDE AMBIENTAL

Caldas de Reis (Pontevedra-Galicia), xoves 26 novembro 2020

(ASISTENCIA GRATUITA A TRAVÉS DE INTERNET MEDIANTE UNA PLATAFORMA ON LINE POR UN CANAL DE VIMEO)



PROGRAMA MUNICIPIOS SAUDABLES E SOSTIBLES 2000-2020: “20 ANOS COMPROMETIDOS CON GALICIA E COA SAÚDE PLANETARIA”

Presentación

A industrialización e a urbanización orixinaron problemas ambientais de primeira orde (o efecto invernadoiro e o cambio climático, a destrución da capa de ozono estratosférica, o transporte de contaminantes, a desertización etc.) que é preciso corrir, así como evitar que as actividades futuras orixinen máis deterioracións no noso contorno a través dunha política preventiva que permita un desenvolvemento sostido e equilibrado e teña como obxectivos a protección da saúde do home e a conservación de todos os recursos (aire, auga, solo, clima, especies de flora e fauna, alimentos, materias primas, hábitat, patrimonio natural e cultural) que condicionan e sustentan a vida. A forte conexión entre medio ambiente e saúde reconeceuse expresamente na 3.^a Conferencia Ministerial do Medio Ambiente e a Saúde (Londres, 1999). O Cume da Terra de Río de Xaneiro (1992), a Conferencia de NNUU sobre Medio Ambiente e Desenvolvemento de Johannesburgo (2002) e Río+20 (2012), acuñaron a idea de desenvolvemento sostible, que expresa a imposibilidade dun desenvolvemento sen contar co medio ambiente (a protección do medio ambiente e o desenvolvemento económico e social son tres piares inseparables do desenvolvemento sostible). O VII Programa Comunitario de Acción en materia de Medio Ambiente 2014-2020 (7^o PMA), resume os obxectivos prioritarios da política de medio ambiente da Unión Europea ata 2020 e introduce unha visión o longo prazo para 2050 coa finalidade de abordar os problemas principais de carácter ambiental. Se basa na creencia de que a prosperidade económica e o bienestar dos cidadáns europeos dependen do estado de saúde do seu capital natural. No título: “Vivir ben, respetando os límites do noso planeta”.

A Oficina Rexional para Europa da OMS, decidiu apoiar as entidades locais e rexionais para acadar os obxectivos do desenvolvemento sostible, para o cal é necesario impulsar a posta en marcha de medidas de planificación e control do medio ambiente relacionadas cos aspectos sanitarios, xa que para resolver os problemas do medio ambiente, a saúde e o desenvolvemento sostible, é preciso chegar a un acordo e emprender accións non só a nivel nacional e internacional senón tamén a nivel subnacional e local (pensar globalmente, actuar localmente). Na liña das políticas da OMS de propoñer ambientes saudables, e coa esperanza de concienciar os concellos galegos de asumiren esta filosofía na xestión dos aspectos ambientais da saúde e así poder contribuír ao desenvolvemento sostible de Galicia e mellorar as condicións de vida da cidadanía, púxose en marcha en Galicia no ano 2000, o **PROGRAMA GALEGO MUNICIPIOS SAUDABLES E SOSTIBLES 2000-2020**, que contou cos parabéns do Dr. Agis Tsouros, coordinador no seu momento do proxecto “Healthy Cities” da Oficina Rexional para Europa da OMS, e desde o ano 2008 vén contando co valioso apoio e a participación activa da Dra. María Neira, director Department of Public Health and Environmental and Social Determinants da OMS. Esta iniciativa itinerante pioneira na UE, ten como obxectivos prioritarios a formación e reciclaxe de técnicos en medio ambiente e saúde, ademais de foro de debate de todos os axentes sociais implicados na tarefa de protexer e conservar o medio ambiente e promover contornos saudables. A posta en marcha en Galicia deste Programa, no seu periplo itinerante por toda a xeografía galega o longo destes 19 anos, contou coa participación de 265 concellos (257 galegos, 2 leoneses, 1 asturiano, 2 madrileños e 3 portugueses), 5 entidades locais e rexionais portuguesas e **6.535** asistentes nas 62 edicións de Cursos de Saúde Ambiental realizados, o Simposio Internacional “Medio Ambiente y Salud: nuevos retos de futuro” en colaboración coa Fundación Ramón Areces (Santiago de Compostela, 2015), e o Cumio de Expertos en Medio Ambiente & Saúde (Pontearreas, 2016).

No contexto da Axenda 2030 e os ODS das Nacións Unidas, cuxo alcance é universal, logo da celebración do Ano Internacional do Turismo Sostible para o Desenvolvemento no 2017, esperemos que contribúa a promover un cambio nas políticas, as prácticas de empresa e o comportamento dos consumidores para conseguir un sector turístico máis sostible, ademais de promover unha mellor comprensión entre os pobos, maior conciencia da riqueza do patrimonio das diversas civilizacións e levar a unha mellor apreciación dos valores inherentes das diversas culturas, contribuíndo así ao fortalecemento da paz no mundo.

Co fin de abordar e debater algúns dos problemas ambientais máis importantes que ten a civilización actual, organízanse as **IV XORNADAS AMBIENTAIS E DE TURISMO SOSTIBLE NO CAMIÑO PORTUGUÉS - LXIII CURSO DE SAÚDE AMBIENTAL** que teñen como obxectivos: analizar a orixe e a situación actual da pandemia por coronavirus e o seu impacto sanitario, económico e social, avanzar na loita contra o cambio climático cara á saúde ambiental do planeta, e impulsar o turismo sostible no camiño portugués no marco do Xacobeo 2021. Finalmente, cómpre destacar a necesidade de unir esforzos por parte de responsables políticos, empresarios, científicos, educadores, profesionais, ecoloxistas, comunicadores, así como a participación activa dos cidadáns e cidadás en prol de conseguirmos un medio ambiente máis saudable e sostible para todas e todos os galegos/as, o mellor legado para xeracións vindeiras.

Prof. Dr. Francisco José Peña Castiñeira

Fundador Programa Galego Municipios Saudables e Sostibles 2000-2020.



PROGRAMA MUNICIPIOS SAUDABLES E SOSTIBLES 2000-2020: “20 ANOS COMPROMETIDOS CON GALICIA E COA SAÚDE PLANETARIA”

Programa

XOVES, 26 DE NOVEMBRO

17.00 h | Presentación das xornadas, a cargo de: D.^a Ana Laura Iglesias González (deputada provincial de Turismo da Deputación de Pontevedra), D. Manuel González Martínez (primeiro tenente de alcalde do Concello de Caldas de Reis, e deputado provincial da Deputación de Pontevedra), D.^a Raquel Zubizarreta Alberdi (Consellería de Sanidade da Xunta de Galicia), D. Francisco Silva Castaño (delegado de Iberdrola en Galicia), D. Francisco Peña (director das Xornadas), D. José Luis González Paz (coordinador das Xornadas).

17.15-19.30 h | Mesa redonda: **“Saúde planetaria e pandemia por coronavirus: o seu impacto sobre a saúde pública, a economía e o turismo cara ao Xacobeo 2021”**

Moderador e relator: Prof. Dr. D. Francisco José Peña Castiñeira (www.medioambienteysalud.com)

“Degradación ambiental & pandemias. Crise sanitaria e emerxencia climática na era da globalización: é tempo de actuar”

Relatores:

“Os desafíos sanitarios e sociais da Pandemia de COVID-19: leccións aprendidas”

Prof. Dr. D. Daniel López Acuña

Exfuncionario de alto nivel da OMS (1986-2014): exdirector de Acción Sanitaria en Crise. Doutor en saúde pública. Experto en epidemioloxía e saúde pública. Profesor asociado da Escola Andaluza de Saúde Pública. Ten no seu haber numerosos artigos e libros publicados.

“Situación actual da pandemia por coronavirus en Galicia”

D.^a Raquel Zubizarreta Alberdi

Subdirectora xeral de Información sobre Saúde e Epidemioloxía da Dirección Xeral de Saúde Pública da Consellería de Sanidade da Xunta de Galicia.

“Recuperación económica verde: renovables, vehículo eléctrico e bomba de calor”

Prof. Dr. D. Francisco Silva Castaño

Delegado de Iberdrola en Galicia.

“A sanidade vexetal e a súa influencia na conservación do patrimonio natural do Camiño Portugués”

Dra. D.^a Carmen Salinero Corral

Doutora en Bioloxía. Xefa de Servizo da Estación Fitopatolóxica do Areeiro da Deputación de Pontevedra.

“Xacobeo 2021: contribución do Camiño de Santiago ao turismo sostible e á marca Galicia, unha nova oportunidade para a sostibilidade do Turismo”

D.^a Nava Castro Domínguez

Directora de Turismo de Galicia da Vicepresidencia Primeira, Consellería de Presidencia, Xustiza e Turismo da Xunta de Galicia.

19.30 h | Peche das xornadas a cargo de D.^a Nava Castro Domínguez, directora de Turismo de Galicia da Vicepresidencia Primeira, Consellería de Presidencia, Xustiza e Turismo da Xunta de Galicia.



PROGRAMA MUNICIPIOS SAUDABLES E SOSTIBLES 2000-2020: “20 ANOS COMPROMETIDOS CON GALICIA E COA SAÚDE PLANETARIA”

Información xeral

OBXECTIVOS

Integración da dimensión dos aspectos ambientais da saúde na formación e reciclaxe de técnicos en medio ambiente e saúde, coa finalidade de actualizar a súa formación e adecuar as esixencias que demanda a sociedade actual, para que contribúa a mellorar a xestión e as condicións de vida urbana da cidadanía. Establecer un foro de debate para analizar a orixe e a situación actual da pandemia por coronavirus e o seu impacto sanitario, económico e social, avanzar na loita contra o cambio climático cara á saúde ambiental do planeta, e impulsar o turismo sostible no camiño portugués no marco do Xacobeo 2021, ademais de permitir a cooperación e o diálogo entre todos os axentes sociais implicados no tema.

DESTINATARIOS/AS

Técnicos/as, funcionarios/as e responsables políticos da Administración local, provincial e autonómica que desenvolvan a súa actividade ou estean relacionados/interesados nas áreas obxecto de estudo. Profesorado da universidade, de ensino secundario e formación profesional que desenvolva a súa actividade ou estea relacionado/interesado nas áreas obxecto de estudo.

Técnicos/as e xestores de empresas que desenvolvan a súa actividade nos departamentos de calidade, medio ambiente e prevención de riscos laborais. Técnicos/as de turismo, promotores de negocio, axencias de viaxes, operadores turísticos. Profesionais libres, titulados superiores e diplomados, técnicos superiores e de grao medio que desenvolvan a súa actividade ou estean relacionados/interesados nas áreas obxecto de estudo.

Axentes da conservación da natureza e medio ambiente, dos recursos hidráulicos, da riqueza cinexética, piscícola e forestal (axentes do Seprona-Garda Civil, axentes de policía autonómica, axentes de policía local, axentes forestais, axentes de gardacostas, voluntarios de protección civil, etc.). Representantes de asociacións ecoloxistas, asociacións de montes, asociacións de consumidores, asociacións veciñais.

Estudantes universitarios e dos ciclos formativos de formación profesional relacionados/interesados nas áreas obxecto de estudo (saúde ambiental, química ambiental, xestión e organización dos recursos naturais e paisaxísticos, traballos forestais e de conservación do medio natural, explotacións agrarias extensivas).

FORMA DE INSCRICIÓN

Cubrir o boletín de inscrición, que se enviará por correo electrónico á secretaría técnica (info@medioambienteysalud.com). O prazo para formalizar a inscrición abrirase o luns día 9 de novembro, fixándose a data límite de formalizala o mércores día 25 de novembro ás 14.00 horas. **Os asistentes inscritos recibirán un enlace (URL) para ter acceso ás xornadas en directo.**

LUGAR DE CELEBRACIÓN, DATAS E HORARIO

Lugar de celebración: Auditorio municipal do Concello de Caldas de Reis (Paseo Román López, s/n.).

Data: xoves 26 de novembro de 2020.

Horario: 17.00 a 19.30 horas.

Comité de dirección e organización

Director académico e científico: Prof. Dr. D. Francisco Peña (www.medioambienteysalud.com)

Coordinadores: D. Manuel González Martínez (concelleiro de Medio Ambiente do Concello de Caldas de Reis) e D. José Luis González Paz (responsable do Departamento de Medio Ambiente do Concello de Caldas de Reis)

Secretario: D. José Pérez Vázquez (graduado en Ciencias Ambientais e director de Medio Ambiente de Sogos Consulting)

Secretaría técnica (información e inscricións)

info@medioambienteysalud.com / www.medioambienteysalud.com



PROGRAMA MUNICIPIOS SAUDABLES E SOSTIBLES 2000-2020: "20 ANOS COMPROMETIDOS CON GALICIA E COA SAUDE PLANETARIA"

Sede anfitroia e organizativa



Concello de Caldas de Reis

Patrocinadores



Colaboradores

